



重編東坡先生外集卷第五

詩

密州

徐州

湖州

密州藏春塢

朱閣前頭露井多碧桃花下美人過寒泉未必能如此柰有銀瓶素縷何

和通守趙成伯大雨中會客解嘲

樂事難并真寔語坐排用意多乖誤興來取雪或成歡瓦鈎却勝黃金注我生褊患久不擇肯爲一時風雨阻天公變化豈有常明月行看照歸路

立春日病中邀定國見過請率禹功同來僕雖

不能飲當請成伯主會子杖策倚几於其間觀
諸公醉笑以發蒲悶也

孤燈照影夜漫漫拈得花枝不忍看白髮歆簪羞綵
勝黃耆煮酒薦春盤東方烹狗陽和動南陌爭牛闢
作團老子從來興不淺向隅誰有蒲堂歡

齋居臥病禁煙前辜負名花已一年此日使君不強
喜青春風物爲誰妍青衫公子家千里白首先生杖
百錢曷不相將來問疾已教呼作散蒼天

趙成伯家有麗人僕忝鄉人不肯開樽徒吟春
雪美句謹次元韻以當一笑

繡康朱戶永曾開唯見江梅落鏡臺試問高吟三十

韻何如低唱兩三盃

俗云檢元秀才衣帶上得雪詩三十韻世傳陶穀學士買得党

太尉家故妓遇雪陶取雪水烹團茶謂妓曰党家應不識此妓曰彼麗人安有此景但能向銷金暖帳下淺斟低唱啀羊羔兒莫嫌衰鬢聊相映須得纖腰與酒耳陶默然愧其言

共回知道文君隔青瑣梁園賦客敢言才

成伯家宴造坐無由輒欲効顰而酒已盡入夜
更不欲煩酒榦試作小詩求數酌而已

道士令嚴難繼和僧伽帽小却空回隔離不喚鄰翁
飲抱甕須防吏部來

道士令悅神樂中所謂離而復合者杜詩云肯與鄰翁相對飲

隔離呼取盡餘盃

東坡先生集

卷之三

七

東坡全集卷之五
成伯坐上贈所出妓川人楊姐

坐來真箇好相宜
深注唇兒淺畫眉
須信楊家佳麗種
洛川自有浴妃池

奉賀成伯兼戲禹功

金錢石竹道傍秋
翠黛紅裙馬上謳
無限小兒齊拍手
山公又作習池遊

周教授索枸杞因以詩贈

鄴侯藏書手不觸
嗟我嗜書終日讀
短檠照字細如毛
怪底空花懸兩目
扶衰賴有王母杖
名字於今掛仙籙
荒城古塹霜露寒
碧玉叢低綴紅菽
春根夏苗

秋着子盡付天隨取
兒腹蘭傷桂折緣
有用爾獨何負丹
其族贈君慎勿比
蕙苾采采終朝不
盈掬外澤中乾非
爾傳歛藏更借秋
陽曝鷄蘇桔梗一
稱帝堇也雖尊等
臣僕時復論功不
汝遺異時謹事東
籬菊

贈青澁將謝承制

吾皇有意縛單于
搥破銅山鑄虎符
驍將新除三十
七精兵共領五千
都周王常德須攘
狄漢帝雄才亦尚
儒君學本兼文武
術功名不必讀孫
吳

孔周翰嘗爲仙源令
中秋夜以事留東武
官舍時陳君榮古任
君建中皆在郡後十
七年年中秋

周翰持節過郡而二君已亡感時懷舊留詩於
壁云屈指從來十七年交親零落一潸然嬋娟
再見中秋月依舊清輝照客眠又其後五年中
秋軾與客飲于超然臺上聞周翰乞此郡客有
誦其詩者乃次韻二絕以爲他日一笑

壞壁題詩已五年故人風物兩依然定知來歲中秋
月又照先生枕翅眠

更邀明月說明年記取孤吟孟浩然此去宦遊如傳
舍揀枝驚鵲幾時眠

陳履常惠示光祿庵詩和二絕

文章恨不見文園禮樂方將訪石泉何事庵中着光
祿枉教閑處筆如緣

城中太守的何人林下先生非我身若向庵中覓光
祿雪中履迹鏡中真

別東武流盃

莫笑官居如傳舍故應人世等浮雲百年父老知誰
在惟有雙松識使君

過濰州驛見蔡君謨題詩壁上云綽約新嬌生
眼底優柔舊事上眉尖春來試問愁多少得似
春潮夜夜添不知爲誰而作也和一首

東坡先生全集 卷之五 四
長垂玉筋粧殘臉肯爲金釵露指尖萬斛閑愁何日
盡一分真態更難添

徐州送交代仲達少卿

此身無用且東來賴有江山慰病懷舊尹未嫌衰廢
久清樽猶許再三開蒲城遺愛知難繼極目扁舟挽
不回歸去青雲還記否交流勝絕古城隈

題雲龍山張山人草堂石磬

折爲督郵腰懸作山人室殊非濮上音信是泗濱石
書望洪亭壁

河漲平來出舊洪山城都在水光中忽然歸壑無尋

十里禾麻一半空

傅子美召李公擇飲以病不往公擇有詩次韻
契素阿蠻皆已出使君應自作箏歌可怜病士西窓
下一夜丹田手自摩

觀子美病中作次韻

百尺長松澗下摧知君此意爲誰來霜枝半折孤根
出尚有狂風急雨催

別公擇

黍離不復閔宗周何暇雷塘弔一丘若問西來祖師
意竹西歌吹是揚州

王定國過彭城留十日因行寄子由

王郎西去路漫漫野店無人霜月寒淚濕粉牋書不
得憑君送與外君看

奉和參寥離彭門至淮上見寄

黃樓南畔馬臺宮雲月娟娟一點空欲共幽人洗筆
硯要傳流水入絲桐且隨詩老尋西谷莫學山僧老
祝融待我西湖載君去一杯湯餅潑油葱

鹿鳴宴

連騎忽忽盡鼓喧喜君新奪錦標還金罍浮菊催開
宴紅藥將春待入關他日曾陪探禹穴白頭重見賦

南山何時共樂昇平事風日笙簫一夜間

宋復古畫瀟湘晚景圖四首

西征憶南國堂上畫瀟湘照眼雲山出浮空野水長
舊游心自省信手筆都忘會有衡陽客來看意渺茫
落落君懷抱山川自屈蟠經營初有造揮洒不應難
江市人家少烟村古木攢知君有幽意細細爲尋看
咫尺殊非少陰晴自不齊徑蟠趨後嶼水會赴前溪
自說非人意曾經入馬蹄他年遊宦處應畫劔山西

東坡先生集 卷五
贈秋崇班季子

秋生臂鷹來見客，不會揖踞床。詫得雋借箸，數食入短後。掬豹裘猶濺腥血，濕指呼索酒，嘗快作長鯨吸。半酣論刀槩，怒髮欲起立。北方老獬子，狂妄尚不鬻。要須此慄悍，氣壓邊烽急。夜走追鋒車，坐斬聒離級。持歸獻天王，封侯穩可拾。何爲老獵師，日使群士泣。

無題二首

引手攀紅纓，紅纓落如線。仰首看紅日，紅日走如箭。年光與時景，頃刻互衰變。何當血肉身，安得當強健。

人心苦執迷，富貴憂貧賤。憂色常在眉，歡容不上面。吾今頭半白，把鏡非不見。惟應蒼下盃，更待他人勸。

泗州過倉山劉景文戲贈一絕

旣聚伏波米，還數魏舒籌。應笑蘇夫子，微倖得湖州。

湖州與王郎夜飲井水

吳興六月水泉溫，千頃荷花聚暗蚊。此井獨能深一丈，源龍如故亦如君。

雪上訪道人，不遇

花光紅滿欄，草色綠無岸。不逢青眼人，長歌白石爛。繫御史獄賦獄中榆槐竹栢四首

榆

我行汴堤上厭見榆陰綠千株不盈畝斬伐同一束
及苦幽囚中亦復見此木蠹皮溜秋雨病葉埋牆曲
誰言霜雪苦生意殊未足坐待春風至飛英覆空屋

槐

憶我初來時草木向衰歇高槐雖驚秋晚蟬猶抱葉
淹留未云幾離離見踈莢栖鴉寒不去哀叫饑啄雪
破巢帶空枝踈影挂殘月豈無兩翅羽伴我此愁絕

竹

今日南風來吹亂庭前竹低昂中音會甲刃紛相觸

蕭然風雪意可折不可辱風濟竹亦回猗猗散青玉
故山今何有秋雨荒松菊此君知健否歸掃南徑綠

栢

故園多珍木羣栢如蒲葦幽囚無與樂百日看不已
時來拾流肪未忍踐落子當年誰所種少長與我齒
仰視蒼蒼幹所閱固多矣應見李將軍膽落溫御史
已未十月十五日恭聞皇太后不豫有赦作

庭栢陰陰晝掩門烏知有赦開黃昏漢宮自種三生
福楚客還招九死魂縱有犁鋤及田畝已無面目見
丘園只因聖主如堯舜猶許先生作正言

東坡先生集卷五
予以事繫御史臺獄府吏稍見侵自度不能堪
死獄中不得一別子由故作二詩授獄卒梁成
以遺子由

聖主如天萬物春小臣愚暗自亡身百年未滿先償
債十口無歸更累人是處青山可藏骨他年夜雨獨
傷神與君世世爲兄弟又結來生未了因

栢臺霜葉夜淒淒風動琅璫月向低夢遶雲山心似
鹿魂飛湯火命如鷄眼中犀角眞吾子身後牛衣愧
老妻百歲神遊定何處桐鄉知葬淞江西獄中聞杭
湖間民爲
予作解厄道場者彌月
故有此句朱邑葬桐鄉

十二月二十八日出獄蒙恩責授檢校水部員
外郎黃州團練副使復用前韻二首

百日歸期恰及春餘年樂事最關身出門便旋風吹
面走馬聯翩雀啁人却對酒杯渾是夢試拈詩筆已
如神此災何必深追咎竊祿從來豈有因

平生文字爲吾累此去聲名不厭低塞上縱歸他日
馬城東不闔少年鷄休官彭澤貧無酒隱几維摩病
有妻堪笑睢陽老從事爲予投檄向江西

子由聞予
下獄乞以

官爵贖予罪
貶筠州監酒

重編東坡先生外集卷第六

詩

黃州

常州

黃州春日雜書四絕

楚鄉春冷早梅天
柳色波光已闌妍
淮上鴈行皆北
向可無消息到儂邊

中州臘盡春猶淺
只有梅花最可怜
坐遣牡丹成俗
物豐肌弱骨不成妍

清曉披衣尋杖藜
隔牆已見最繁枝
老人無計酬清
麗夜就寒光讀楚詞

病腹難堪七盞茶
曉窻睡起日西斜
貧無隙地栽桃

東坡先生集卷之六
李日日門前看賣花

三月二十二日恭聞皇太后升遐吏以軾罪人不許成服欲哭則不敢欲泣則不可故作挽詞二章

巍然開濟兩朝勲信矣才難十亂臣原廟固應祠百世先王何止活千人和熹未聖猶貪位順德雖賢不及民月薄悲風天雨泣誰將椽筆寫光塵

未報山林國士知遶林松栢已潸潸一聲慟哭猶無所萬外酬恩更有時夢裏天衢隘雲仗人間雨淚緣形帷關睢卷耳平生事白首纍臣正坐詩

晚遊城西開善院泛舟暮二首

晚照餘喬木前村起夕煙
碁聲虛閣上酒味早霜前
遠謫何須恨來游不偶然
風光類吾土乃是蜀江邊
放舡江瀨淺城郭近連村
水檻松筠靜市橋燈火繁
誰家掛漁網小舫繫柴門
卜築計未定何妨試買園
春日與閑山居士小飲

一盃連坐兩髯碁數片深紅入坐飛十分
漱灑君休訴且看桃花好面皮

唐人詩云未見桃花面皮先作杏子眼孔

劉監倉家煎米粉作餅子坡名爲甚酥潘邠老家造逡巡酒坡飲之云莫作醋錯着水來否後

東坡先生集卷之六
數日坡携家飲郊外因作小詩戲劉公求之
野飲花間百物無杖頭惟掛一葫蘆已傾潘子錯看
水更覓君家爲甚酥

元豐四年十二月二十日謁王文甫於江南岸
坐上得陳季常書報是月四日陝西奏种諤領
兵入界殺西夏六萬餘人獲馬六千匹衆喜忭
唱樂各飲一巨觥

聞說官軍取乞聞將軍旗鼓捷如神故知無定河邊
柳得共中原雪絮春

聞捷

漢家將軍一丈拂詔賜天池八尺龍露布朝馳玉關
塞捷烽夜到甘泉宮似聞指揮築上郡已覺談笑無
西戎放臣不見天顏喜但驚草木皆春風

和人雪晴書事

消盡瓊瑤雲馭歸餘寒猶復助風威垂簷漸學秋霖
滴滿地猶疑夜月輝凍壤相和開華戶流澌半釋擁
苔磯可怜烏鵲饑無食日暮空林何所依

奉酬仲閔食新麪湯餅仍聞糴麥甚盛因以戲
之

初見煌煌秀兩岐俄驚落磴雪霏霏可煩都尉熱承

東坡先生集卷之六
汗絕勝臨淄貧易衣尚有清才對風月未妨便腹貯
書詩知君貨殖誇長袖滿糴千箱待一饑

夜坐與邁聯句

清風來無邊明月翳復吐

坡

松聲滿虛空竹影侵半

戶

邁

暗枝有驚鵲壞壁鳴饑鼠

坡

露葉耿高梧風螢

落空廡微涼感團扇古意歌白紵樂哉今夕遊獲此

陪杖履

邁

傳家詩律細已自過宗武短詩膝上成聊

以感懷祖

坡

讀仲閔詩卷因成長句

喜見西風吹麥秋年年爲追老農憂沾塗手足經年

種荐載珠璣一倍收壯齒君能親稼穡異時我亦困

耨耰獨怜紫竹堂前月清夜娟娟照客愁

回紋織錦圖三絕次舊韻

舊詩見集前十二卷

春機滿織回紋錦粉淚揮殘露井桐人遠寄情書字

小柳絲低日晚庭空

紅牋短寫空深恨錦句新翻欲斷腸風葉落殘驚夢

蝶戍邊回鴈寄情郎

羞空臉慘傷春暮細縷詩成織意深頭畔枕屏山掩

恨日昏塵暗綠窻琴

弔徐德占

東坡先生集卷之六
余初不識德占但聞其爲呂惠卿所薦以處士用
元豐五年二月偶以事至蘇州德占聞余在傳舍
惠然見訪與之語有過人者是歲十月聞其遇害
作詩弔之

美人種松栢欲使低映門栽培雖易長原惡病其根
哀哉歲寒姿骯髒誰與論竟爲名所誤不免刀斧痕
一遭兒女汚始覺山林尊從來覓棟梁未省傍籬藩
南山隔秦嶺千歲龍蛇奔大厦若果傾萬牛何足掄
不若老崑谷合抱依山樊歟者不可悔吾將貽後昆
武昌贈別王子立

贈行無酒又無錢觀子一盃菩薩泉何處低頭不見
我四方同此水中天

李委吹笛

元豐五年十二月十九日東坡生日也置酒赤壁
磯下踞高峯俯瞰鵲巢酒酣笛聲起於江上客有
郭古二生頗知音謂坡曰笛聲有新意非俗士也
使人問之則進士李委聞坡生日作新曲鶴南飛
以獻呼之使前則青布紫裘腰笛而來旣奏新曲
又快作數弄嘹然有穿雲裂石之聲坐客漸引醉
倒委袖佳紙一幅曰吾無求於公得一絕句足矣

坡笑而從之

山頭孤鶴向南飛。載我南游過九疑。下界何人也吹笛。可憐時復犯龜茲。

送酒與崔誠老

夜來一笑之歡豈可多得。今日雪堂得無少寂寞。耶往安州玉泉一酌果子。少許夜琴一弄。誰與同者。莫是木上座否。小詩漫往。

雪堂居士醉方熟。玉澗山人冷不眠。送與安州撥醅酒。從今三日是三年。

與郭生遊寒溪主簿吳亮置酒郭生喜作挽歌

酒酣發聲坐爲淒然。郭生言吾恨無嘉詞。因爲畧改樂天寒食詩歌之坐客有泣者。其詞曰。

烏啼鵲噪昏喬木。清明寒食誰家哭。風吹曠野紙錢飛。古墓纍纍春草綠。棠梨花映白楊路。盡是死生離別處。冥冥重泉哭不聞。蕭蕭暮雨人歸去。

每句雜以散聲

贈人

別後休論信息疎。仙凡自古亦殊塗。蓬山路遠人難到。霜栢威高道轉孤。舊賞未應忘楚國。新詩聞已滿皇都。誰怜澤畔行吟者。目斷長安貌欲枯。

九曲亭戲題

武昌西山九曲亭上有題一句云玄鴻橫號黃鵠
峴九曲亭下卽吳王峴山皆櫛葉其傍卽元結陂
湖也荷花極盛因爲對云皓鶴下浣紅荷湖坐客
皆笑因請賦詩云

郊居江干堅關扃耕犍躬稼角掛經篙竿繫舸菰茭
隔笳鼓過君雞狗驚解襟願影各箕踞擊劍賡歌幾
舉觥荆筭供鱸愧攪聒乾鍋更憂甘瓜羹

戲作切語竹詩

隱約安幽奧蕭騷雪藪西交加工結構茂密映冥迷
引葉油雲遠攢聚聚族齊奔鞭迸壁背脫籜吐天梯
細篠散孫息高竿拱桷枅漏闌零露落庭渡獨蜩啼
掃洗修纖筴窺看詰曲谿玲瓏綠醺醺邂逅盍閑携

山行見月四言

吟我傲兀仰晤崑月邁巘迎崖銀列玉嚙源魚唵喁
岸鴈舳艫卧玩我語聾牙岌業

題沈君琴

武昌主簿吳亮君采携其友人沈君十一琴之說
與高齋先生空同子之文太平之頌以示予予不
識沈君而讀其書乃得其義趣如見其人如聞十
一琴之聲予昔從高齋先生遊嘗見其實一琴無

名無識不知其何代物也請以告二子使從先生
求觀之此十一琴者待其琴而後和元豐六年閏
六月

若言琴上有琴聲放在匣中何不鳴若言聲在指頭
上何不於君指上聽

小飲公瑾舟中

青泥赤日午相烘走扣舡窗柳影中輟我東坡無礙
睡賞君南浦不貲風坐觀邸報談迂叟閑說滁山憶
醉翁此去澄江三萬頃只因明月照還空

鄧滁人也
是日坐中

見邸報云迂叟
已押入門下省

謝人惠雲巾方舄二首

燕尾稱呼理未便剪成雲葉却天然無心只是青山
物覆頂宜歸紫府仙轉覺周家新樣俗

頭巾起
後周

未容

陶令舊名傳鹿門佳士勤相贈黑霧玄霜合比肩

皮襲

美贈天隨子紗巾詩曰掩歛分
疑裁黑霧輕明渾似戴玄霜

胡鞞短鞞格麓踈古雅無如此樣殊妙手不勞盤作
鳳輕身只欲化爲鳬魏風褊儉堪羞葛楚客豪華可
笑珠擬學梁家名解脫

武帝作
解脫履

便於禪坐作跏趺

數日前夢一僧出二鏡求詩僧以鏡置日中其
影甚異其一如芭蕉其一如蓮花夢中與作詩

君家有二鏡光景如湛盧或長如芭蕉或圓如芙蕖
飛電入我壁明月入我廬月下合三壁日中跳數珠
問此一作子是非我非我非文殊

題王文甫門符

門大要容千騎入堂深不覺百男歡 湖上秋風聚
螢苑門前春浪散花洲

文甫居車湖卽武子故居
宅枕大江卽散花洲也

戲書

葑草尚能攔浪藕絲不解留連 鳳皇來儀嘉禾合

稂

州名

愛蜀蘄舒嘉代富新登高棣桂常芳

州名

次韻黃夷仲茶磨

前人初用茗飲時煮之無間葉與骨寢窮厥味白始
用復計其麓碾方出計盡功極至于磨信哉智者能
創物破槽折杵弃墻角亦其遭遇有伸屈歲久講求
知處所佳者出自衡山富巴蜀石工強鑄鑿理踈性
軟良可咄予家江陽遠莫致塵土何人爲披拂

筠州還白塔舖歇馬

甘山廬阜鬱相望林隙依微漏日光吳國晚蠶初斷
葉占城早稻欲移秧迢迢澗水隨人意冉冉嵒花撲
馬香望眼儘窮千里遠白雲深處是吾鄉

贈江州景德長老

白足高僧解達觀安排春事滿幽欄不須天女來相
試總把空花眼裏看

和葉濤

嘗怪右軍稱草聖不如東野以詩鳴樂天自欲吟淮
月懷祖何勞聽角聲

次韻半山亭

登嶺勢巍巍蓮峯太華齊凭欄紅日早回首白雲低
松栢月中老猿猴物外啼禪師吟絕後千古指人迷
廣陵後園題呂申公扇

雨葉風枝曉自勻綠陰青子淨無塵閑吟遶屋扶疎

句須信淵明是可人

過揚州壽寧文覺顯公房

爛班碎玉養菖蒲一勺清泉蒲石盂淨几明窻書小
字便同爾雅注虫魚

元豐七年十一月三日與幾先自竹西來訪慶
老不見獨徐君卿供奉蟾知客東閣道話久之
風卷長廊走黃葉席簾垂地香煙歇主人待來終不
來火紅銷盡灰如雪

泗上喜見張嘉父二首

眉間冰玉照淮明

一作清

毫外波瀾老欲平直得全生

東坡先生外集 卷之六
如許妙不知形謀已多名

空翠娛人意自還明窻一榻共秋閑會知名利不到處定把青觴屬此山

吳江岸

晚色兼秋色蟬聲雜鳥聲壯懷銷鑠盡回首尚心驚

憶黃州梅花五絕

邾城山下梅花樹臘月江風好在無爭似姑山尋綽約四時常見雪肌膚

一枝價重萬瓊琚直恐姑山雪不如盡愛丹鉛競時好不知風雪養天姝

雖老於梅心未衰今朝誰贈楚江枝旋傾樽酒臨清影正似吳姬一笑時

不用相催已白頭一生判却見花羞揚州何遜吟情苦不枉清香與破愁

玉豕青枝藥綴金仙肌不怕苦寒侵淮陽城裏娟娟月樊口江邊耿耿參

常州太平寺淨土院觀牡丹

武林千葉照觀空別後湖山幾信風自笑眼花紅綠眩還將白首看鞋紅

常州太平寺法華院簷蔔亭醉題

六花簷蔔林間佛九節菖蒲石上仙何似東坡鐵柱
杖一時驚散野狐禪

雨中明慶賞牡丹

霏霏雨露作清妍爍爍明燈照欲燃明日春陰花未
老故應未忍着酥煎

山茶

山茶相對阿誰栽細雨無人我獨來說似與君君不
會爛紅如火雪中開

訪散老不遇

君來不遇我我到不逢君古殿依修栢寒花對暮雲

常州贈劉鉉

劉侯少年日駿馬拊便面搖弓鴈自落不待白羽貫

次韻馬元賓

流落江湖萬里歸相逢自喜燕差池初聞好句驚人
倒悔過東庭識面遲握手寧知無賀監結交誰復許
表絲塞鴻正欲摩天去垂老追攀豈可期

重編東坡先生外集卷之六終

重編東坡先生外集卷第七

詩

登州

召入翰林

余將赴文登過廣陵而擇老移柱石塔相送至
竹西亭下留詩爲別

竹西失却上方老。石塔還逢惠照師。我亦化身東海
去。姓名莫遣世人知。

壽陽岸下

街東街西翠幄成。池南池北綠錢生。幽人獨來帶殘
酒。聞得黃鸝第一聲。

留題懷仁令陳德任新作占山亭二絕

尚父提封海岱間。南征惟到穆陵關。誰知海上詩狂客。占得膠西一半山。

我是膠西舊使君。此山仍合與君分。故應竊比山中相。時作新詩寄白雲。

無題

昔日雙鴉照畫眉。如今婀娜綠雲垂。蓬萊老守明朝去。腸斷簾間綈繚時。

次韻陳賢良

不學孫吳與六韜。敢將駑馬並英豪。望窮海表天還遠。傾盡葵心日愈高。身外浮名猶瑣瑣。夢中歸思已

滔滔。三山舊是神仙地。引手東來一釣鼇。

留別登州舉人

身世相忘久自知。此行閑看古黃陲。自非北海孔文舉。誰識東萊太史慈。落筆已吞雲夢客。抱琴欲訪水仙師。莫嫌五日匆匆守。歸去先傳樂賦詩。

到登五日被召故云

喜王定國北歸第五橋

白露淒風洗瘴煙。夢回相對兩悽然。崔羅廷尉非當日。鳩杖先生愈少年。世事飽諳思縮手。主恩未報耻歸田。誰憐第五橋邊月。獨照台州老鄭虔。

絕句呈王定國

舊病應逢醫口藥。新粧漸盡入時眉。信知詩是窮人
物。近覺王郎不作詩。

席上送范德孺

漸覺東風料峭寒。青蒿黃韭試春盤。遙想慶州千嶂
裏。暮雲衰草雪漫漫。

讀儒林傳

元祐元年二月八日朝退獨在起居院讀漢書儒
林傳感申公故事作小詩一絕

寂寞申公謝客時。自言已見穆生幾綰臧下吏明堂
廢。又作龍鍾病免歸。

次韻胡完夫再贈之什軾已卜居毘陵與完夫

有鄰里之約

初和見前
集卷十五

柳絮飛時筍籜斑。風流二老對開關。雪芽我爲求陽
羨。乳水君當餉惠山。竹簟暑風眠晝永。玉堂制草落
人間。應容緩急煩問里。桑柘聊同十畝閑。

次韻王定國得晉卿酒相留夜

短山壓耳氣橫秋。更着仙人紫綺裘。使我有名全是
酒。從他作病且忘憂。詩無定律君應將。醉有真鄉我
可侯。且倒餘樽盡今夕。睡蛇已死不須鉤。

戲荅晉卿傳柑

侍史傳柑玉座傍。人間草木盡天漿。寄與維摩三十杖。不知簷蔔是餘香。舉輕明重維摩猶三十杖呵呵

和王定國

離歌添唧唧。古曲擬行行。不作相隨燕。空吟久住鶯。曹騰君上馬。寂寞我回城。明日東門外。空舟獨自橫。

送楊奉禮

譜牒推關右。風流出靖恭。時情任險詖。家法故雍容。南去河千頃。大水中相別餘懽酒一鍾。更誰哀老子。今得

放疎慵。

和黃魯直虛飄飄

虛飄飄。虛飄飄。畫簷珠結網。銀漢鵲成橋。塵積雨。葉霜飛。風柳條。露凝淺。點見紅。日星曳。餘光橫。碧霄虛飄飄。比浮名利猶堅牢。

魯直以詩餽雙井茶次韻謝

前集十六卷止收赤目詩卽此韻

江夏無雙種。奇茗汝陰六一誇。新書磨成不敢付。童僕自看雪浪生。璣珠列仙之儒瘠。不腴只有病渴同。相如明年我欲東南去。畫舸何妨宿太湖。歸田錄草茶以雙井

爲第一畫舸宿太湖願諸貢茶故事

正月八日招王子高晚飲

雪屋號風苦戰貧。紙窓迎日稍知春。正如簷蔔林中

東坡先生集卷之七
四
坐更對芙蓉城裏人。昨想玉堂空。冷澈誰分銀榼送。
清醇海山知有東南角。正看歸鴻作小顰。

次韻子由題懋寂圖後

子瞻與李公麟共畫翠石木老僧。謂之懋寂圖。
東坡雖是湖州派。竹石風流各一時。前日畫師今姓
李。不妨還作輞川詩。

與可嘗云。老夫墨竹一派。近在徐州。吾竹雖不及
石。似過之。此一卷。不可不令魯直下一句。

上元韓康公坐上侍兒求書扇上

窓搖細浪魚吹日。手弄黃荂蝶遶衣。不覺春風吹酒

醒。空教明月照人歸。

一一窓扉面水開。更於何處覓蓬萊。天香蒲裊人知
否。身到旃檀小殿來。

上
大夫人以無咎生日置酒。留余夜歸。書小詩壁

壽樽餘瀝到朋簪。要與郎君夜語深。敢請阿婆開後
閣。井中車轄任浮沉。

試院觀伯時畫馬絕句

竹頭搶地風不舉。文書堆案睡自語。看馬欲驥頓風
塵。亦思歸家洗袍袴。

謝宋漢傑述李承晏墨

老松燒盡結輕花妙法來從北李家翠色冷光何所
似墻東鬢髮墮寒鴉

雪林硯屏率魯直同賦

西山無時春巉巖鎖頑陰分明倚天壁點綴無風林
物固爲人出興誰於此深窮竒真自蠹得句且娛心

獲鬼章二十韻

元祐二年

青唐有逋寇白首已窮妖竊據臨洮郡潛通講渚橋
廟謀周召虎邊帥漢班超堅壘千兵破連航一炬燒
擒姦從窟穴奏捷上煙霄詭異人圖像歡娛路載謠

干誅非一事伐叛自先朝取道經陵寢前期告廟祧
西來聞幾日面縛見今朝二聖臨雲陛千官溢海潮
載囚車輾輓失主馬蕭條橫拜如蹲犬胡裝尚衣貂
理卿辭具服譯長話初調緩歎恩殊厚求生尾屢搖
慈仁逢太母寬厚戴唐堯赤手真擒虎和羹未賜臬
藁街虛授首東市偶全腰困獸何須殺遺雛或可招
威聲西振夏武節北通遼帝道存強弱天時有長消
羗情防報復軍勝忌矜驕慎重關西將竒功勿再要

出局偶書

急景歸來早窮陰晚不開傾盃不能飲待得卯君來

今日局中出早陰晦欲雪而子由在戶部晚出作此數句忽計十年前在彭城時王定國來相過留十餘日還南都時子由爲宋幕定國臨去求家書僕醉不能作獨書一絕與之云王郎西去路漫漫野店無人霜月寒淚濕粉牋書不得憑君送與卯君看卯君子由小字今日情味雖差勝彭城然不若歸林下夜雨對床乃爲樂耳

謝呂行父惠子魚

卧沙細肋吾方厭通印長魚誰肯分多謝東平貴公子貴人不與與蘇君

送呂行父司封倅河陽

結交不在久傾蓋如平生識子今幾日送別亦有情子生公相家高義久崢嶸子才旣超越世故亦屢更譬如追風驥豈免羈與纓念我山中人久與麋鹿并誤出掛世網舉動俗所驚歸田雖未果已覺去就輕河陽雖不遠出處恐異程便當從此別有酒無從傾

戊辰元日

白髮龍鍾五十三家人強遣試春衫歸來懷袖天香滿刺插金幡愧阿咸

四十年前元夕與故人夜遊得此句追錄之

午夜朧朧淡月黃夢回猶有暗塵香縱橫蒲地霜槐
影寂寞蓮燈半在亡

覓俞俊筆

筆工近歲說吳俞李葛虛名總不如雖是玉堂揮翰
手自憐白首尚抄書

鼠鬚筆

太倉失陳紅狡穴得餘腐既興丞相歎又發廷尉怒
磔肉飼飢獠分髯雜霜兔插架刀槩健落紙龍蛇驚
物理未易詰時來卽所遇穿墉何卑微託此得佳譽
琴枕二首

清時作金徽素齒爲玉軫響泉竟何用金帶常苦窘
爛斑漬珠淚宛轉堆雲鬢君若安七絃應彈卓氏引
高情閑處任君彈幽夢來時與子眠彭澤謾知琴上
趣邯鄲深得枕中仙試尋玉軫拋何處閑喚香雲在
那邊平素不須煩抑按秦娥自解語如絃

答李端叔

若人如馬亦如斑笑履壺頭出玉關已入西羌渡沙
漠又來東海看濤山識君小異千人裏慰我長思十
載間西省僛居時邂逅相逢有味是偷閑

贈魯直小德

東坡先生集卷之十
黃童三尺世無雙筆頭衮衮懸秋江不憂老子難爲
父平生屈強今心降我來喜共阿戎語應敵縱橫如
急雨生子還如孫仲謀豚犬謾多何足數黃家小兒
名小德髮如長林眼如漆只今數歲已動人老人留
眼看他日笑君老蚌生明珠自笑此物吾家無君當
置酒吾當賀有兒傳業更何須

次韻魯直書王摩詰畫

前身陶彭澤後身韋蘇州欲覓王右丞還向五字求
詩人與畫手蘭菊方春秋恐爾皆是分身來入流
書李宗晟水簾圖

宗晟一軸水簾圖寄與南舒李大夫未向林泉歸得
去炎天酷日且令無

召李甲畫喜鵲

聞說神仙郭恕先醉中狂筆勢瀾翻百年寥落何人
繼只有華亭李景元

書龍馬圖

先皇御馬三千匹仗下曾騎玉駱駝金鼎丹成龍亦
化圉人空棧泣西風

重編東坡先生外集卷第八

詩 杭州

贈南屏謙師

南屏謙師妙於茶事自云得之於心應之於手非
可以言傳學到者十二月二十七日聞軾遊落星
逵來設茶作詩贈之

道人曉出南屏山來施點茶三昧手忽驚年齒龜毛
斑打作春甕鶩兒洒天台乳花世不見玉川風腋吟
安有先生有意續茶經會使老謙名不朽

南山

南山一尺雪雪盡山蒼然澗谷深自暖梅花應已繁
使君厭騎從車馬留山前行歌招野叟共步青林間
長松得高蔭盤石醉堪眠祇樂聽山鳥携琴寫幽泉
愛之欲忘返但苦世俗牽歸來始覺遠明月高峰顛
和錢四穆父寄其弟蘇前集十八卷止載一絕
老來日月似車輪此去知逢幾過春昨夜冰花猶作
柱曉來梅子已生仁

病後醉中

病爲兀兀安身物酒作蓬蓬入腦聲堪笑錢塘十萬
戶官家付與老書生

洗兒

人皆養子望聰明我被聰明誤一生惟願孩兒愚且
魯無災無難到公卿

荅皎然詩

皎然禪師贈吳憑處士詩云世人不知心是道只
言道在西方妙還如瞽者望長安長安在東向西
笑東坡居士代荅云

寒時便具熱時風飢漢那知食藥功莫怪禪師向西
笑緣師身在長安東

寄傲軒

東坡先生集卷之八
先生英妙年一掃千兔禿仕進固之餘不肯踐場屋
通闕何所傲傲名非傲俗定知軒冕中享樂不償辱
豈無自安計得失猶轉轂先生獨揚揚憂患莫能續
得如虎挾乙失若龜藏六郊簷聊寄寓俛仰亦自足
東坡無邊春方寸盡藏蓄醉哦傍若無獨有一樽渌
床頭車馬道殘月掛疎木朝客紛擾時先生睡方熟
周燾遊天竺觀激水作詩云拳石看姿色兩青
竹龍駢水轉山鳴夜深不見跳珠碎疑是簷間
滴雨聲東坡聊爲和之

遊中峰盃泉

石眼盃泉舉世無要知盃渡是凡夫可憐狡獪維摩
老戲取江河入鉢盂

寒具

乃捻頭出劉禹錫嘉話

纖手搓成玉色勻碧油煮出嫩黃深夜來春睡無輕
重壓漏佳人纏臂金

叅寥惠楊梅戲贈

新居未喚一根椽只有楊梅不直錢莫共金家鬪甘
苦寥寥不是老婆禪

醉題信夫方丈

東坡先生集 卷之八 三
鶴作精神松作筋堦庭蘭玉一時春願君且住三千
歲長與東坡作主人

燈花一首贈王十六

金粟釵頭次第多起看缺月帶斜河懸知瑞草橋邊
夜笑指燈花說老坡

謝曹子方惠新茶

陳植文華斗石高景宗詩句復稱豪數奇不得封龍
額祿仕何妨似馬曹囊簡久藏科斗字銛鋒新瑩鶚
鵜膏南州山水能爲助更有英辭勝廣騷

觀開西湖次吳左丞韻

偉人謀議不求多事定紛紛自唯阿盡放龜魚還綠
浦肯容蕭蕭障前坡一朝美事誰能紀百尺蒼崖尚
可磨天上列星當亦喜月明時下浴晴波

觀湖二首

乘槎遠引神仙客萬里清風上海濤回首不知沙界
小飄衣猶覺色塵高須彌有頂低垂日兜率無根下
戴鰲釋梵茫然齊劫火飛雲不覺醉陶陶

朝陽照水紅光開玉濤銀浪相徘徊山分宿霧盡寬
遠帆駕高風馳送來昇霞影色欺殘火及物氣燄明
纖埃可憐極大不知已浮生野馬悠悠哉

袁公濟飲客湖上東坡來爲不速

昨夜醉歸還獨寢曉來急雨鳴孤枕扁舟短棹絕湖
來正見晴山駁雲錦須知老子興不淺莫學公榮不
共飲與君歌鼓樂豐年喚取千夫食陳廩

無題

六秩行當啓區中緣更疎不貪爲我寶安步當君車
故國多喬木先人有敕廬誓將閑送老不著一行書
九日袁公濟有詩次其韻

古來靜治得清閑我愧真常也一斑舉酒東榮挹江
海回樽落日勸湖山平生傾蓋悲歡裏早晚抽身簿
邊閒笑指西南是歸路倦飛弱羽久知還

秋興四首

草滿池塘霜滿梅林疎野色近樓臺天圖故越侵雲
盡潮上孤城帶月回客夢冷隨風葉斷愁心低逐鴈
聲來流年又喜經重九可意黃花是處開

野鳥游魚信往還此身同寄水雲間誰家晚吹殘紅
葉一夜歸心滿舊山可慰摧頽仍健食比來通脫屢
酡顏年華豈是催人老雙鬢無端只自斑

故里依然一夢前相携重上釣魚船約賣大幕全陳
迹謬忝淵明愧昔年報國無成空自道退耕何處可

求田黃雞白犢陪年少此計當時已浩然

浴鳳池邊星斗光宴餘香滿上書囊簷前夜月低
曲雲裏車聲出未央去國何年雙鬢白黃花重見一
枝霜傷秋無限厭厭夢長似長江一線長

次韻劉景文山堂聽箏三首

忽憶韓公出二妹

一作二妙妹

琵琶箏韻落空無猶勝江

左狂靈運空闕東昏百草鬚

馬上胡琴塞上姝鄭中丞後有人無詩成畫燭飄金
燼八尺英公欲燎鬚

荻花楓葉思秦姝切切么絃細欲無欲把胡琴心

客回看霜棘褚公鬚

荅玉師

山翁不見見新詩恐是河南石壁曦海水豈容鯨飲
盡燃犀何處覓瓊枝

蜀僧明操思歸

更厭勞生能幾日莫將歸思損衰年片雲會得無心
否南北東西只一天

龐公

襄陽龐公少檢束白髮不髡亦不俗世所奔趨我獨
弃我已之餘彼不足鹿門有月樹下行潭上無風舟

東坡先生集卷之八
上宿不識當時捕魚客但愛長康畫金粟杜口如今
不復言龐公爲人不曲局東西有人問老夫爲道明
燈照華屋

問淵明

子知神非形何復異人天豈惟三才中所在靡不然
我引而高之則爲日星懸我散而卑之寧非山與川
三皇雖云沒至今在我前八百要有終彭祖非永年
皇皇謀一醉發此露槿妍有酒飲不辭無酒斯飲泉
立善求我譽飢人食饒涎委運憂傷生運去生亦遷
縱浪大化中正爲化所纏應盡便須盡寧復俟此言

或曰東坡作此詩與淵明相反此非知言也蓋亦
相引以造於道者未始相非也元祐五年十月十
四日

歸去來集字十首

予喜讀淵明歸去來詞因集其字爲十詩令兒曹
誦之號歸去來集字云

命駕欲何向欣欣春木榮世人無往復鄉老有時迎
雲內流泉遠風前飛鳥輕相携就衡宇酌酒話交情
涉世恨形役告休成老夫良欣就歸路不復向迷途

去去徑猶菊行行田欲蕪情親有還往清酒引尊壺
與世不相入膝琴聊盡歡風光歸笑傲雲物寄遊觀
言語審無倦心懷良獨安東臯清有趣植杖日盤桓
雲岫不知遠巾車行復前僕夫尋老木童子引清泉
矯首獨傲世委心還樂天農夫告春事扶老向良田
世事非吾事駕言鄉路尋向時迷有命今日悟無心
亭內菊歸酒牕前風入琴寓形知己老猶未倦登臨

富貴良非願鄉關歸去休携琴已尋壑載酒復經丘
翳翳景將入涓涓泉欲流老農人不樂我獨與之遊
觴酒命童僕言歸無復留輕車尋絕壑孤棹入清流
乘化亦安命息交還絕遊琴書樂三徑老矣亦何求
歸去復歸去帝鄉安可期鳥還知己倦雲出亦何之
入室常携幼臨流亦賦詩春風吹獨斲不是傲親知

役役倦人事來歸車載奔征夫問前路稚子候衡門
入室亦詩策出遊常酒尊交親書已絕雲壑自相存

寄傲知今是求勞定昨非聊欣尊有酒不恨室無衣
丘壑世情遠田園生事微庭柯還獨眎時有鳥歸飛

元祐五年十二月十二日同景文義伯聖途次

元伯固仲蒙遊七寶寺題竹上

結根豈殊衆修柯獨出林孤高不可恃歲晚霜風侵
同狀元行老學士秉道先輩遊太平寺淨土院
觀牡丹中有澹黃一朵特奇絕爲作小詩

醉中眼纈自爛斑天雨曼陀羅玉槃一朵官黃微拂
掠鞋紅魏紫不須看

三萼牡丹

風雨何年別留真向此邦至今遺恨在巧過不成雙
贈僧謙

瀉湯舊得茶三昧覓句近窺詩一斑清夜漫漫困搜
攪齋腸那得許堅頑

和參寥

芥舟只合在坳堂紙帳心期老孟光不道山人今忽
去曉猿啼處月茫茫

和林子中待制

子中先生杭州交代後集第一卷荅黃安中兼簡子中詩卽此

韻

兩翁留滯各皤然人笑迂疎久更堅共把鷺兒一樽
酒相逢卯色五湖天江邊遺愛啼斑白海上先聲入
管絃早晚淵明賦歸去浩歌長笑老斜川

重編東坡先生外集卷之八終

重編東坡先生外集卷第九

詩

翰林

潁州

楊州

尚書

定州

南遷

予作破琴詩求得宋復古畫邢和璞於柳仲遠
以此本託王晉卿臨寫爲巨軸名爲邢房悟前
生圖作小詩題其上云

此身何物不堪爲逆旅浮雲自不知偶見一張閑故
紙便疑身是永禪師

王晉卿得破墨三昧又嘗聞祖師第一義故畫
邢和璞房次律論前生圖以寄其高趣東坡居
士旣作破琴詩以記異夢矣復說偈言

東坡先生集卷之九
前夢後夢真是一彼幻此幻非有二正好長松水石
間更憶前生復生事復一作後

楊州同晁無咎芝上人遊山光寺和芝韻

閑裏清遊借隙光醉時真境發天藏夢回拾得吹來
句十里南風草木香

和芝上人竹軒

洞外復空中千千萬萬同勞師唱竹頌知是阿誰風

戲贈秀老

拆却相公庵泥却駙馬竹天下人揔知流入傳燈錄
和晁美叔老兄

反觀皆自直相詆竟誰諛事過始堪笑夢中今了無
珍材尚空谷瘦馬正長途未識造物意茫然同一鑪

珍才空谷以况老兄
在閑郡瘦馬自謂也

雲師無著自金陵來見余廣陵且遺余支遁鷹
馬圖將歸以詩送之且還其畫

道人自嫌三世將弄家十年今始壯玉骨猶嫌富貴
餘漆瞳獨照人天上去年相見古長干衆中矯矯如
翔鸞今年過我竹西寺病瘦欲作霜松寒朱顏不辦
供歲月風中蒿火湯中雪欲就君家黃面師乞取摩
尼照生滅莫學王郎與支遁臂鷹走馬矜神俊還君

東坡先生集卷之九
二
盡圖君自收不如木人騎土牛

戲書

五言七言正兒戲三行五行亦偶爾我性不飲只解
醉正如春風弄羣卉四十年來同幻事老去何須別
愚智古人不住亦不滅我今不作亦不止寄語悠悠
世上人浪生浪死一埃塵洗墨無池筆無冢聊爾作
戲悅吾神

和吳安持使君迎駕

小雪踈煙雜瑞光清波寒引御溝長瞳瞳日色籠丹
禁杳杳鞭聲出建章鵷鷺偶叨陪下列天闈聊啓

中央歸來甚氣傾新句滿坐疑闌錦繡香

和錢穆父新涼

家居妻兒號出仕猿鶴怨未能逐什一安敢搏九萬
常恐樛櫟身坐纏冠蓋蔓受知如負債粗報乃焚券
但知眠牛衣定免刺虎圈清風來旣雨新稻香可飯
紫蟹應已肥白酒誰能勸君今崔蔡手政比趙張健
三公行可致一語先自獻幸推江湖心適我魚鳥願

憶江南六言五首

楚水別來十載蜀山望斷千重畢竟擬爲傖父憑君
說與吳儂

東坡先生集卷之九
湖目也堪供腹木奴自足爲生若話三吳勝事豈惟
千里萼羹

人在畫圖中住客依明月邊游未卜柴桑舊宅須乘
五湖扁舟

生計曾無聚沫孤蹤漫有清風治產猶嫌范蠡携孥
頗笑梁鴻

弱累已償俗盡老身將伴僧居未許季鷹高潔秋風
直爲鱸魚

贈王志仲幼子觀

何人生得寧馨子今夜初逢掣筆郎莫怪圍碁忘爪
已能作賦繼靈光

寄歐陽叔弼

昔葵衣冠今在否近來消息不須疑曾聞圯上逢黃
石久已留侯不見欺

元祐癸酉八月二十七日於建隆觀拜章淨館
書贈王觀

海上東風犯雪來鴈前先折鏡湖梅遙思禁苑青春
夜坐待宮人畫詔回

予舊在錢塘同蘇伯固開西湖今方請越戲謂
伯固可復來開鏡湖耶伯固有詩因次其韻

已分江湖送此生會稽行復得岑成鏡湖席卷八百
里坐嘯因君又得名

送蘇伯固效常蘇州

三度別君來此別真遲暮白盡老髭鬚明日淮南去
酒罷月隨人淚濕花如霧後夜逐君還夢遶江南路
元祐九年立春

熊白來山北猪紅削劍南春盤得青韭鴈酒寄黃柑
初貶英州贈馬夢得

萬古仇池穴歸心負雪堂殷勤竹林夢猶自數山王
南康望湖亭

八月渡重湖蕭條萬象疎

一云瀟湘景物疎

西風片帆急暮

靄一山孤許國心猶在康時業已虛岷峨家萬里投
老得歸無

侯灘

江流激激見侯灘更上山頭看石盤百歲老人親擊
鼓城中憂樂不相干

散郎亭

法蒼下有散郎亭老樹蒼崖如有情歡戚已隨時事
去壁間只有古人名

栢家渡

東坡先生集 卷之九 五
三首五
相家渡西日欲落青山上下猿鳥樂每因新月望吳
雲遙看北斗橫南岳一夢惜惜四十秋古人不死終
未休草舍蕭蕭誰與語香風吹過白蘋洲

清遠舟行寄懷賈耘老

小寒初渡菊花嶺萬壑千崑背人境清遠聊爲汎宅
行一夢分明墮鄉井覺來滿眼是湖山鴨綠波搖鳳
凰影海陵居士無雲梯歲晚結廬菴水湄山腰自懸
蒼玉佩野馬不受黃金羈門前車馬獵獵走笑倚清
流數鬢絲汀洲相見春風美白蘋吹花覆菴水菰繫
蓬飄各一方目斷滄浪淚如洗白鴈南來遺素書苦

言大津沒我廬清齋十日不燃鼎曲突往往坐龜魚
今年玉粒賤如水青囊欲買囊已虛人生百年如寄
耳七十來顏真有幾有子休論賢與愚倪生在却帶
經鋤天南且看投荒客懶惰從教似阿舒

惠州靈惠院壁間畫一仰面向天醉僧云是蜀
僧隱巒所作

直視無前氣吐虹五湖三島在胷中相逢莫怪不相
揖只見山僧不見公

送佛面杖與羅浮長老

十方三世世尊面長在東坡掌握中送與羅浮德長

夏坡先生集 卷之六
老携歸萬竅總號風

送惠州都監北歸

一聲鴻鴈破江雲萬葉梧桐卷露銀我自飄零是羈客更堪秋晚送行人

奉同程正輔表兄一字詩

後集五卷有正輔表兄來惠州諸詩而石

刻此詩在游香積寺後追餞正輔前

故屈劔閣隔錦官柑菓僵蹶交荆管竒孤耳挂汲古綆僥覲敢揭鈎今竿已歸耕稼供稿秸公貴幹國高中冠改更句格各蹇吃姑固狡獪加間關王方平謂麻姑云姑固少年吾老矣不復作此狡獪變化也

此詩幸勿示人人不知吾儕游戲三昧或以爲詬病也

煮菜

吾借王叅軍地種菜不及半畝而吾與過子終年飽菜夜半飲醉無以解酒輒擷菜煮之味含土膏氣暴風露雖梁肉不能及也人生須底物而更貪耶乃作四句

秋來霜露滿東園蘆服生兒芥有孫我與阿曾同一飽不知何苦食鷄豚

玉糝羹

過子忽出新意以山竿作玉糝羹色香味皆奇絕
天上酥醑則不可知人間決無此味也

香似龍涎仍醑白味如牛乳更全清莫將北海金蠶
贈輕比東坡玉糝羹

送煮菜與包安靜先生

野菜初生珍又珍送與安靜病酒人便須起來和熱
喫不須洗面裹頭巾

贈包安靜先生茶

皓色生甌面堪稱雪見羞東坡調詩腹今夜睡應休
偶謁大士於精藍中故人烹
日汪茶果不虛示故記此詩

建茶三十片不審味如何奉贈包居士僧房戰睡魔

昨日點日汪極佳點此復之罐
中餘者可示及舟中滌神耳

重編東坡先生外集卷第九終

陸先生外集

卷之九

